
Merchantrade Insure - Life

NOTIS PENTING

Polisi ini merupakan Polisi Hayat – Merchantrade Insure kami. Sila baca Polisi ini dengan teliti bersama Jadual Manfaat untuk memastikan anda memahami terma dan syarat dan Perlindungan yang Anda perlukan disediakan. Jika Anda mempunyai apa-apa soalan selepas membaca dokumen ini, sila hubungi penasihat insurans Anda atau MCIS Insurance Berhad. Jika terdapat apa-apa perubahan dalam keadaan Anda yang mungkin mempengaruhi insurans yang disediakan, sila maklumkan kepada Kami dengan serta-merta, jika tidak Anda mungkin tidak mendapat manfaat penuh Polisi ini.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi MCIS Life atau PIDM (layari www.pidm.gov.my).

1. Sekiranya Anda memerlukan maklumat lanjut, sila hubungi Kami di +603-76523388 pada Isnin hingga Jumaat (8.30am hingga 5.30pm) atau sebagai alternatif Anda boleh menghantar e-mel kepada Kami di:
Maklum Balas/Pernyataan : customerservice@mcis.my
Aduan : complaint@mcis.my
2. Sekiranya Anda tidak berpuas hati dengan penjelasan daripada institusi kewangan tersebut, Anda boleh:
 - (a) Merujuk perkara tersebut ke
Bank Negara Malaysia Laman Informasi Nasihat dan Khidmat (BNMLINK)
BNM TELELINK, Bank Negara Malaysia, P.O. Box 10922, 50929 Kuala Lumpur;
atau Tel: 1-300-88-5465 (1-300-88-LINK), Tel Luar Negara: +603-2174-1717;
atau faks: +603-2174-1515; atau lengkapkan borang web di teelink.bnm.gov.my
 - (b) Merujuk perkara berkaitan tuntutan kepada
Ombudsman Perkhidmatan Kewangan (Dahulu dikenali sebagai Biro Pengantaraan Kewangan)
Tingkat 14, Blok Utama, Menara Takaful Malaysia, No. 4, Jalan Sultan Sulaiman, 50000, Kuala Lumpur.
Tel: +603-2272 2811 Faks: +603-2272 1577

Polisi ini dikeluarkan sebagai pertimbangan bagi pembayaran premium seperti yang dinyatakan di dalam Jadual Polisi dan menurut jawapan yang diberikan di dalam Borang Cadangan Anda (atau apabila Anda memohon untuk insurans ini) dan sebarang pendedahan lain yang Anda buat antara masa penghantaran Cadangan Anda (atau apabila Anda memohon untuk insurans ini) dan masa kontrak ini dibuat. Jawapan dan sebarang pendedahan lain yang Anda berikan hendaklah membentuk sebahagian daripada kontrak insurans antara Anda dan Kami. Bagaimanapun, sekiranya berlaku salah nyata prakontrak yang dibuat berhubung dengan jawapan Anda atau dalam sebarang pendedahan yang Anda berikan, remedi untuk Anda adalah seperti yang dinyatakan di dalam Jadual 9, Akta Perkhidmatan Kewangan 2013. Remedi ini termasuk tetapi tidak terhad kepada syarat yang dinyatakan dalam Polisi ini di bawah:

- Syarat Am 2; Salah Nyata Umur
- Syarat Am 6; Penipuan

Polisi ini mewakili terma dan syarat kontrak insurans seperti yang dipersetujui antara Anda dan Kami. Kami berhak untuk meminda terma dan syarat Polisi ini dengan memberi Anda notis seawal tiga puluh (30) hari. Kami akan menentukan kaedah komunikasi yang kami anggap wajar.

Manfaat 1 – Manfaat Kematian Asas (Perlindungan Sedunia)

Apabila berlaku Kematian Hayat Diinsuranskan semasa Polisi ini masih berkuat kuasa, Kami akan membayar Manfaat Kematian seperti yang dinyatakan di dalam Jadual Manfaat. Polisi ini akan ditamatkan selepas itu.

Manfaat 2 – Manfaat Kematian Tambahan akibat Penyakit Khusus (Perlindungan Sedunia)

Jika kematian Hayat Diinsuranskan adalah disebabkan oleh demam Denggi, demam Chikungunya, Malaria, Ensefalitis Jepun, Influenza Burung atau virus Zika, Kami akan membayar selain daripada Manfaat Kematian Asas sebagai tambahan seperti yang dinyatakan di dalam Jadual Manfaat. Polisi ini akan ditamatkan selepas itu.

DEFINISI POLISI AM

Mana-mana perkataan atau pernyataan yang mempunyai maksud khusus, hendaklah membawa maksud yang diberikan kepada perkataan atau pernyataan yang ditemui di dalam Polisi dan/atau Jadual Manfaat.

ISTILAH	MAKSUD
1. Pentadbir	merujuk kepada Merchantrade Asia Sdn Bhd ("Merchantrade").
2. Perlindungan/Liputan	bermaksud sejauh mana perlindungan insurans diberikan oleh Polisi ini.
3. Tempoh Insurans	bermaksud tempoh insurans yang dinyatakan di dalam Kontrak Polisi.
4. Tempoh Tangguh	bermaksud jangka masa tambahan selepas tarikh kena bayar premium di mana bayaran boleh dibuat tanpa sebarang denda sambil memastikan polisi terus berkuat kuasa.
5. Polisi	Dokumen ini dianggap sebagai polisi.
6. Premium	bermaksud jumlah bayaran khusus yang diperlukan secara berkala oleh Kami untuk memberikan Perlindungan di bawah Polisi ini bagi Manfaat yang dinyatakan di dalam Jadual Manfaat
7. Jadual Manfaat	bermaksud senarai Manfaat dan Jumlah Diinsuranskan
8. Jumlah Diinsuranskan	bermaksud jumlah yang ditetapkan bagi setiap Manfaat seperti yang dinyatakan di dalam Jadual Manfaat yang merupakan jumlah maksimum yang Kami bayar sekiranya timbul tuntutan.
9. Perbuatan Menyalahi Undang-undang	merujuk kepada sebarang perbuatan yang merupakan kesalahan atau yang dilarang di bawah undang-undang atau peraturan kawasan geografi di mana perbuatan tersebut dilakukan. Perbuatan menyalahi undang-undang tersebut termasuk tetapi tidak terhad kepada memandu kenderaan bermotor tanpa lesen memandu sah, melebihi sebarang had kelajuan yang ditetapkan, memandu semasa berada di bawah pengaruh alkohol dan umumnya sebarang ketidakpatuhan atau pelanggaran Akta Pengangkutan Jalan 1987 atau mana-mana undang-undang dan peraturan yang berkuat kuasa. Perbuatan menyalahi undang-undang juga termasuk sebarang penyertaan dalam atau bertindak sebagai peserta dalam apa-apa jenayah atau percubaan melakukan jenayah atau kesalahan.
10. Kami	bermaksud MCIS Insurance Berhad.
11. Anda / Pihak Diinsuranskan / Hayat Diinsuranskan / Pemegang Polisi	bermaksud orang yang dinamakan sebagai Pemegang Polisi di dalam Jadual Polisi dan yang menerima Perlindungan menurut Polisi ini yang dikeluarkan kepadanya.

APAKAH YANG TIDAK DILINDUNGI (Pengecualian ini diberikan sepanjang Polisi Anda)

1. Sebarang Perbuatan Menyalahi Undang-Undang atau pendedahan sengaja kepada bahaya (selain daripada percubaan menyelamatkan nyawa manusia), kecederaan disengajakan, bunuh diri, percubaan bunuh diri, sama ada dalam keadaan siuman atau tidak siuman.
2. Peperangan diisytiharkan atau tidak diisytiharkan, atau sebarang tindakan melakukannya, penaklukan, tindakan musuh asing, permusuhan, perang saudara, pemberontakan, revolusi, kebangkitan, pelaksanaan kuasa tentera atau rampasan kuasa.
3. Rusuhan dan kekacauan awam di mana Anda memainkan peranan aktif di dalamnya.

SYARAT-SYARAT AM

1. Syarat-syarat Sebelum Liabiliti Diterima

Pematuhan dan pelaksanaan terma dan syarat dan Pengendorsan Polisi ini setakat yang berkaitan dengan apa-apa yang perlu dilakukan atau dipatuhi oleh Pihak Diinsuranskan dan kebenaran kenyataan dan jawapan di dalam Cadangan tersebut hendaklah menjadi syarat sebelum sebarang liabiliti diterima oleh Syarikat untuk membuat apa-apa bayaran di bawah Polisi ini.

2. Salah Nyata Umur

Polisi ini dikeluarkan mengikut umur yang ditunjukkan di dalam Jadual Polisi yang merupakan umur Hayat Diinsuranskan pada hari jadi lepas. Jika umur atau jantina disalah nyata di dalam Borang Cadangan, jumlah perlu dibayar dan semua manfaat yang terakru di bawah Polisi akan dilaraskan mengikut umur dan jantina yang betul. Jika Hayat Diinsuranskan tidak layak untuk insurans pada umur yang betul, Syarikat akan membayar balik premium yang telah dibayar bagi Polisi ini kepada Anda. Bukti Umur Hayat Diinsuranskan diperlukan sebelum pembayaran sebarang manfaat di bawah Polisi ini.

3. Kaedah Pembayaran Premium

Kemudahan berikut disediakan untuk pembayaran premium

- i. Dompot digital
- ii. Kad Kredit / Debit
- iii. Perbankan dalam Talian
- iv. Potongan Baki Masa Udara Mudah Alih
- v. Bayaran tunai melalui Merchantrade

Lebih pelbagai kaedah pembayaran premium mungkin akan disediakan pada masa hadapan. Sila maklum bahawa Kami berhak untuk mengemas kini amalan semasa diperlukan.

4. Kewajipan bagi Pembayaran Premium

Pembayaran - Premium hendaklah dibayar pada atau sebelum tarikh kena bayar. Kegagalan untuk membayar premium sebelum tamat Tempoh Tangguh akan menyebabkan penamatan polisi.

5. Penama

Polisi ini mempunyai peruntukan untuk Anda mencalonkan penama(-penama) untuk menerima wang polisi semasa permohonan insurans hayat atau selepas Polisi dikeluarkan. Borang yang berkaitan hanya akan dihantar kepada Anda atas permintaan.

6. Penipuan

Anda tidak boleh melakukan penipuan. Jika Anda, atau sesiapa yang bertindak bagi pihak Anda, membuat tuntutan di bawah Polisi ini dengan pengetahuan bahawa tuntutan tersebut palsu atau sengaja dibesarkan apa jua cara atau jika sebarang Kerugian disebabkan oleh perbuatan sengaja Anda atau dengan kerjasama Anda, Kami tidak akan membayar tuntutan dan semua Perlindungan di bawah Polisi ini akan dibatalkan.

7. Pembatalan

Kami boleh membatalkan Polisi dengan menghantar dalam 7 hari notis melalui surat berdaftar ke alamat terakhir Anda yang diketahui. Kami akan memulangkan mana-mana bahagian Premium yang bersekadar dengan Tempoh Insurans belum luput dengan syarat tiada tuntutan telah dibuat.

Anda boleh membatalkan Polisi selepas Tempoh Bertenang dengan memberikan notis bertulis kepada Merchantrade. Sila ambil perhatian bahawa produk ini tiada bayaran balik premium dan tiada nilai serahan.

8. Pembayaran Manfaat

Sebarang Manfaat yang perlu dibayar di bawah Polisi akan dibayar kepada penama yang Anda calonkan atau kepada wakil peribadi sah Anda sekiranya Anda meninggal dunia. Bayaran akan dipindahkan kepada penama(-penama) anda.

Dalam mematuhi Akta Pencegahan Pengubahan Wang Haram, Pembiayaan Keganasan dan Hasil daripada Aktiviti Haram 2001 (AMLATFPUAA 2001), Kami berhak untuk menyekat atau membatalkan segala permohonan termasuk bayaran tuntutan insurans di mana ia difikirkan wajar dan sesuai.

9. Pertukaran Alamat

Untuk membolehkan Kami memberi maklumat terkini kepada Anda tentang perubahan maklumat penting atau menghantar kepada Anda notis pembaharuan atau apa-apa hal berkaitan Polisi, Anda diminta memaklumkan kepada Kami alamat surat-menyurat semasa Anda dan juga alamat semasa penama.

10. Penduaan Perlindungan

Anda hanya layak untuk mendapatkan satu Perlindungan di bawah polisi ini dalam mana-mana satu Tempoh Insurans. Sekiranya terdapat dua atau berbilang Perlindungan yang dibeli untuk risiko yang sama, Kami berhak untuk membayar tuntutan di bawah mana-mana satu polisi dan seterusnya membatalkan dan memulangkan kepada Anda premium yang telah dibayar bagi mana-mana baki polisi.

11. Tempoh Bertenang

Jika atas apa jua sebab, Pihak Diinsuranskan membuat keputusan untuk tidak mengambil Polisi ini, Pihak Diinsuranskan boleh berbuat demikian dengan memaklumkan kepada Kami dalam masa lima belas (15) hari dari tarikh mulanya Polisi. Kami akan membuat bayaran balik penuh premium yang telah dibayar, dengan syarat tiada tuntutan dibuat di bawah Polisi

ini.

12. Pemberitahuan Tuntutan

Jika terdapat sebarang kejadian yang menimbulkan tuntutan, dokumen-dokumen berikut mesti diserahkan kepada Merchantrade menerusi cawangan atau wakilnya;

- Borang Tuntutan Kematian.
- bukti kematian yang boleh diterima bagi Hayat Diinsuranskan dan apa-apa dokumen lain yang Kami perlukan.

Tuntutan akan dinilai dan dimaklumkan kepada penerima dalam masa 5 hari bekerja, selepas menerima dokumentasi lengkap. Untuk menyemak status tuntutan, sila hubungi Merchantrade:

- E-mel : MI_enquiries@mtradeasia.com
- Talian Khas : +603-8313-8606 [Isnin hingga Jumaat – 9:00pg hingga 5:30ptg (Kecuali cuti umum)]

13. Pembaharuan

Jika Pihak Diinsuranskan mencapai umur 66 tahun pada hari jadi lepas dalam Tempoh Insurans, Polisi ini tidak boleh diperbaharui pada akhir tempoh tersebut. Polisi Anda akan diperbaharui selagi Premium dibayar dalam Tempoh Tangguh. Anda akan dimaklumkan mengenai premium pembaharuan yang perlu dibayar melalui e-mel atau pemberitahuan SMS sekurang-kurangnya tiga puluh (30) hari sebelum tarikh tamat premium pembaharuan.

14. Kadar Premium

Jumlah premium tidak dijamin dan Kami berhak untuk menyemak semula premium yang perlu dibayar dengan memberikan notis 30 hari terlebih dahulu.

15. Perubahan Polisi

Tiada perubahan Jumlah Asas Diinsuranskan atau Kekerapan Pembayaran Premium dibenarkan bagi polisi sedia ada. Polisi baharu perlu dikeluarkan untuk membuat sebarang perubahan dalam Jumlah Asas Diinsuranskan atau Kekerapan Pembayaran Premium.

16. Tempoh Tangguh

- Untuk pelan tahunan: Tempoh tangguh ialah tiga puluh (30) hari dari tarikh kena bayar dibenarkan, dan dalam tempoh tersebut Polisi ini akan terus berkuatkuasa. Jika sebarang premium masih tidak berbayar pada akhir tempoh tangguh, Polisi ini akan luput.
- Untuk pelan bulanan, suku tahunan dan setengah tahunan: Tempoh tangguh tidak terpakai. Polisi ini akan luput sekiranya mana-mana premium masih belum dibayar selepas tarikh tamat tempoh premium. Jika sebarang premium dibayar selepas tarikh tamat tempoh, polisi terdahulu tidak akan dihidupkan kembali, sebaliknya polisi baharu akan dikeluarkan.

Jadual Manfaat / Premium

Jumlah Premium yang perlu dibayar bergantung kepada kekerapan pembayaran premium dan Jumlah Asas Diinsuranskan yang dipilih:

Jumlah Asas Diinsuranskan	Kekerapan Pembayaran Premium			
	Pelan Bulanan	Pelan Suku Tahunan	Pelan Setengah Tahunan	Pelan Tahunan
RM4,000	RM1.00	RM3.00	RM6.00	RM12.00
RM6,000	RM1.50	RM4.50	RM9.00	RM17.00
RM8,000	RM2.00	RM6.00	RM12.00	RM22.00
RM12,000	RM3.00	RM9.00	RM18.00	RM30.00
RM16,000	RM4.00	RM12.00	RM24.00	RM40.00
RM20,000	RM5.00	RM15.00	RM30.00	RM50.00
RM30,000	RM7.50	RM22.50	RM45.00	RM75.00

Polisi ini melindungi:

Manfaat Kematian Asas	100% Jumlah Asas Diinsuranskan perlu dibayar, apabila berlaku kematian Hayat Diinsuranskan atas semua sebab.
Manfaat Kematian Tambahan akibat Penyakit Khusus	Tambahan 100% daripada Jumlah Asas Diinsuranskan yang perlu dibayar apabila berlaku kematian Hayat Diinsuranskan disebabkan demam Denggi, demam Chikungunya, Malaria, Ensefalitis Jepun, Influenza Burung atau Virus Zika.